

OHR poziva na brzo usvajanje Zakona o drzavnom sudu

Ured Visokog predstavnika poziva Ministarstvo civilnih poslova i komunikacija, Vijeće ministara i Parlamentarnu skupstinu Bosne i Hercegovine da brzo reagiraju i prije izbora zakazanih za 11. novembar usvoje zakon kojim se uspostavlja državni sud.

Gradjanima Bosne i Hercegovine trenutno nisu na raspolaganju sudski pravni lijekovi u oblastima koje prema Ustavu spadaju u nadleznosti drzave Bosne i Hercegovine kao sto su pasosi i licne karte, nezakonite imigracije, trgovina ljudima ili medjuentitetski kriminal. Drzavni sud bi takodje u velikoj mjeri povecao sigurnost poslovanja i bio bi od sustinskog znacaja za privlacenje hitno potrebnih stranih ulaganja, sto takodje predstavlja jedno od pitanja koje se regulira na drzavnom nivou. Strani ulagaci ce se angazovati u BiH jedino kada im na raspolaganju budu mehanizmi za pravnu zastitu i kada u BiH bude postojala vladavina zakona.

Radna grupa koju sacinjavaju predstavnici Ministarstva civilnih poslova i komunikacija, entitetska Ministarstva pravde i OHR se prosle sedmice usaglasila oko konacnog Nacrta zakona. Nacrt se zasniva na prijedlogu koji je u junu dala Venecijanska komisija, nezavisno tijelo pravnih strucnjaka Vijeca Evrope. Nacrt zakona u potpunosti postuje pravnu praksu u BiH, a istovremeno zadrzava sustinu prijedoga koji je dala Venecijanska komisija. Venecijanska komisija je osigurala da se ovaj predvidjeni Drzavni sud nece mijesati u pitanja koja spadaju u entitetske nadleznosti.

Ovaj novi Sud bi imao nadleznost u oblasti krivicnog i upravnog prava na drzavnom nivou i djelovao bi kao prvostepeni i drugostepeni sud. Uspostava Drzavnog suda je preduslov za clanstvo BiH u Vijecu Evrope i jedan od zahtjeva koji je

postavilo Vijeće za implementaciju mira na svojim konferencijama održanim u Madridu 1998. godine odnosno u Briselu u maju ove godine.

Uzimajući u obzir tešku situaciju u kojoj se nalazi bh. ekonomija, svako daljnje odlaganje uspostave ovog suda će imati ozbiljnje posljedice po Bosnu i Hercegovinu.